

OECD, SARS LE LEFAPHA LA NAHA LA MATLOTLO BA TSWELA PELE KA BOLEKANE BA HO NTLAFATSA TSHEBEDISANO

Pretoria, 11 Pherekgong 2019 – Kajeno, OECD, Ditshebeletso tsa Lekgetho tsa Afrika Borwa (SARS) le Lefapha la Naha la Matlotlo (National Treasury) ba saenile Memorandamo wa Tshebedisano (MoC), moo ba dumellanang ho tswela pele ho sebetsa mmoho ditabeng tse mabapi le lekgetho. MoC ena e tla sebetsa ho fihlela ka Tshitwe 2023.

Mekga ena e meraro e na le nalane e telele ya tshebedisano mme MoC ena e fana ka monyetla wa ho tswela pele ha tshebedisano ena ka sepheo sa ho fihlella maikemisetso a ho phahamisa mekgwatshebetso ya lekgetho e seng leeme le e sebetsang ka ho phethahala, ho ntlafatsa le ho ntjhafatsa tse mabapi le tefiso ya lekgetho ya matjhaba ka ho arolelana boiphihlelo pakeng tsa SARS, Lefapha la Naha la Matlotlo le dinaha tseo e leng ditho tsa OECD.

MoC e saenetswe Pretoria, Afrika Borwa, ke Mong. Ben Dickinson, Hlooho ya OECD ya Karolo ya Dikamano tsa Lefatshe lohle le Ntshetsopele mane Setsheng sa Leano la Lekgetho le Taolo, Mong. Mark Kingon, Khomeshenara e tshwereng mokobobo ya SARS, le Stadi Mngomezulu, Molaodikakaretso ya tshwereng mokobobo wa Lefapha la Naha la Matlotlo (boemong ba Dondo Mogajane, Molaodikakaretso wa Lefapha la Naha la Matlotlo).

Ka nako ya mokitjana wa tshaeno Ben Dickinson o itse: "Ke thabile haholo ha re ntlafatsa bolekanane ba rona le SARS le Lefapha la Naha la Matlotlo. Mmoho re atlehile ho ba le diketsahalo tsa thupelo e le karolo ya Mananeo a Dikamano tsa Lefatshe lohle dilemong tsa ho feta mme ke tshepa hore tshebedisano ya rona e tla tswela pele ho kenyeletsa ho ithuta le ho ithuta ka tshebediso ya marangrang a elektronike ka 2019.

Ke ka lebaka la matsholo a kopanelo a kang lena leo re keneng ho lona mmoho le OECD moo re ka ntlafatsang boiteko ba rona ba ho bokella makgetho ohle le ho ntlafatsa demokrasi ya rona," ho rialo Dondo Mogajane, Molaodikakaretso wa Lefapha la Naha la Matlotlo.

Mark Kingon buile hore tshebedisano ya Afrika Borwa le OECD ho tse mabapi le Laeno la Lekgetho le Taolo dilemong tsa ho feta ebile molemo haholo bakeng sa mekga kaofela e nang le seabo.

"Ho eketsa sena ka dilemo tse ding tse hlano ke ntho e nepahetseng. Ke kgotsofalletse ho tswela pele ha dikamano tse thehilweng hantle tseo MoC le OECD di tlang ho fana ka tsona ho SARS, hahoholo ho tsepamisweng ha ka moo mmuso kaofela ha ona o tlang ho sebetsana le taolo ya lekgetho, mmoho le ho tshorisana boitsebelo ba diofisiri tsa rona ho tse mabapi le tefiso ya lekgetho la matjhaba".

Ho fumana lesedi le fetang lena, ka kopo etela:

- OECD: www.oecd.org/tax
- Lefapha la Naha la Matlotlo: www.treasury.gov.za
- SARS: www.sars.gov.za



Lefapha la Naha la Matlotlo, SARS le OECD kajeno ba saenile Memorandamo wa Tshebedisano (MoC), moo ba dumellanang ho tswela pele ho sebetsa mmoho ditabeng tse mabapi le lekgetho. MoC ena e tla sebetsa ho fihlela ka Tshitwe 2023. Ba saenang MoC mane ntlokgolo ya SARS, Pretoria ke, ho tloha ka ho le letshehadi, Stadi Mngomezulu, Molaodikakaretso ya tshwereng mokobobo wa Lefapha la Naha la Matlotlo (boemong ba Dondo Mogajane, Molaodikakaretso wa Lefapha la Naha la Matlotlo); Mark Kingon, Khomeshenara e tshwereng mokobobo ya SARS mmoho le Ben Dickinson, Hlooho ya OECD ya Karolo ya Dikamano tsa Lefatshe lohle le Ntshetsopele mane Setsheng sa Leano la Lekgetho le Taolo.